



Broj: 10/E-11-11069/23-1  
Sarajevo, 10-01-2024 . godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine ("Službeni glasnik BiH", broj 39/14 i 59/22) u daljem tekstu: Zakon, člana 69. Statuta Općine Centar Sarajevo – Prečišćeni tekst («Službene novine Kantona Sarajevo», broj 23/04), na prijedlog Komisije za nabavku roba, usluga i radova I, imenovana rješenjem Općinskog načelnika broj: 10-45-1694/23 od 23.02.2023. godine (u daljem tekstu: Komisija I), u postupku javne nabavke: Izvođenje radova na uklanjanju grafita na području Općine Centar Sarajevo - **LOT 1 - Izvođenje radova na uklanjanju grafita sa fasada na objektima kolektivnog stanovanja** (Zapisnik o pregledu i ocjeni ponuda broj: 10/E-11-11069/23-1 od 29.12.2023. godine), Opštinski načelnik donosi

### **ODLUKU O IZBORU NAJPOVOLJNIJEG PONUĐAČA**

- I.** Prihvata se ponuda ponuđača „MAGIČNI KAMEN“ d.o.o. Sarajevo - MAGIC STONE LTD Sarajevo, ul. Panjina kula broj 65, 71000 Sarajevo, broj: 051-27S-12/23 od 27.12.2023. godine, za izvođenje radova na uklanjanju grafita na području Općine Centar Sarajevo za **LOT 1 - Izvođenje radova na uklanjanju grafita sa fasada na objektima kolektivnog stanovanja**, putem konkurentskog zahtjeva za dostavu ponuda, uz primjenu e-aukcije, u ukupnom iznosu od **16.900,00 KM bez PDV-a, odnosno 19.773,00 KM sa PDV-om.**
- II.** Izabrani ponuđač dužan je dokaze iz tačke 7.1. i 7.1.2. tenderske dokumentacije (Lična sposobnost), u skladu sa članom 45. Zakona o javnim nabavkama, dostaviti najkasnije u roku od 5 (pet) dana od dana prijema ove Odluke na Protokol Ugovornog organa (originalne ili ovjerene kopije), ukoliko iste nije dostavio u ponudi.
- III.** Ugovorni organ će sa izabranim ponuđačem zaključiti ugovor, kojim će regulisati međusobna prava i obaveze u vezi predmetne nabavke, shodno zahtjevima Ugovornog organa i zakonskim propisima.
- IV.** Ova Odluka se dostavlja ponuđaču koji je učestvovao u postupku javne nabavke u roku od sedam dana, shodno članu 70. stav (2) i članu 71. Zakona o javnim nabavkama.
- V.** Odluka će se objaviti na web stranici Općine Centar Sarajevo ([www.centar.ba](http://www.centar.ba)) u skladu sa članom 70. stav (6) Zakona o javnim nabavkama.

### **O b r a z l o ž e n j e**

Postupak za javnu nabavku za Izvođenje radova na uklanjanju grafita na području Općine Centar Sarajevo, pokrenut je Odlukom Općinskog načelnika o pokretanju postupka javne nabavke, broj: 10/E-11-11069/23 od 15.11.2023. godine, putem konkurentskog zahtjeva za dostavu ponuda, uz primjenu e-aukcije.

Postupak javne nabavke je podijeljen na lotove i to:

- LOT 1 - Izvođenje radova na uklanjanju grafita sa fasada na objektima kolektivnog stanovanja
- LOT 2 - Izvođenje radova na uklanjanju grafita na javnim površinama

Obavještenje o nabavci broj: 848-7-3-193-3-227/23 objavljeno je dana 18.12.2023. godine na Portalu javnih nabavki.

Procijenjena vrijednost javne nabavke iznosi **42.223,00 bez PDV-a**, a za LOT 1 procijenjena vrijednost iznosi 16.923,00 KM bez PDV-a.

U roku za predaju ponuda koji je određen tenderskom dokumentacijom (28.12.2023. godine do 12:00 sati), na adresu Ugovornog organa dostavljene su dvije (2) ponude za LOT 1 podnesene od ponuđača: 1. „MAGIČNI KAMEN“ d.o.o. Sarajevo - MAGIC STONE LTD Sarajevo i 2. PD „GALVANORM“ d.o.o. Konjic. U skladu sa članom 63. Zakona o javnim nabavkama, Komisija I je u zakazano vrijeme pristupila javnom otvaranju pristiglih ponuda i nakon što je utvrđena urednost dostave, pročitana je cijena ponuda, kako slijedi:

R/b	Ponuđač	Ukupna cijena (KM) bez PDV-a	Popust	Ukupna cijena (KM) sa PDV-om
1.	„MAGIČNI KAMEN“ d.o.o. Sarajevo - MAGIC STONE LTD Sarajevo	16.900,00	/	19.773,00
2.	PD „GALVANORM“ d.o.o. Konjic	13.600,00	/	15.912,00

Nakon izvršenog javnog otvaranja ponuda, na zatvorenom sastanku Komisija I je pristupila detaljnom pregledu i analizi dokumentacije priložene uz dostavljene ponude, u cilju utvrđivanja prihvatljivosti prema obliku, sadržaju i potpunosti dokumentacije; utvrđivanja kvalifikacije ponuđača; ocjene tehničke prihvatljivosti ponude, kao i usklađenosti sa tenderskom dokumentacijom, Zakonom o javnim nabavkama i odgovarajućim podzakonskim propisima.

Tom prilikom Komisija I je konstatovala da je ponuda ponuđača PD „GALVANORM“ d.o.o. Konjic neprihvatljiva u smislu člana 2. stav (1) tačka I) al. 2) Zakona o javnim nabavkama („Službeni glasnik BiH“, broj 29/14 i 59/22).

Naime, nakon detaljnog pregleda dostavljene ponude Komisija I je ustanovila da je ponuđač PD „GALVANORM“ d.o.o. Konjic, na stranici od 2 do 4, dostavio Aktuelni izvod iz sudskog registra izdat od Općinskog suda u Mostaru, o upisu privrednog subjekta „GALVANORM“ d.o.o. Konjic u sudski registar, matični broj subjekta upisa: 58-01-0030-21. Uvidom u isti Komisija I je dalje konstatovala da privredno društvo „GALVANORM“ d.o.o. Konjic nije registrovano za obavljanje djelatnosti koja je predmet nabavke. Naime, prema navedenim šiframa odjeljka djelatnosti predviđenih važećom klasifikacijom, subjekt upisa u sudski registar PD „GALVANORM“ d.o.o. Konjic je registrovan za djelatnosti: proizvodnje, trgovine, te djelatnosti koje se odnose na sakupljanje, obradu i zbrinjavanje otpada, reciklažu i sanaciju okoliša te ostale usluge upravljanja otpadom, od kojih se niti jedna ne može smatrati djelatnošću koja je predmet nabavke ili djelatnošću koja je srodna sa predmetom nabavke.

Tačkom 7.2. SPOSOBNOST OBAVLJANJA POSLOVNE DJELATNOSTI, tenderske dokumentacije, podtačka 7.2.1. određeno je da što se tiče sposobnosti obavljanja poslovne djelatnosti, u skladu sa članom 46. Zakona o javnim nabavkama, ponuđači moraju biti registrovani za obavljanje djelatnosti koja je predmet nabavke. U svrhu dokazivanja ispunjenosti uslova profesionalne sposobnosti ponuđači su dužni dostaviti slijedeće dokaze: *Aktuelni izvod iz sudskog registra ili rješenje o upisu u sudski registar ili izjavu/potvrdu nadležnog organa iz kojeg se vidi da je ponuđač registrovan za obavljanje djelatnosti koja je predmet nabavke.*

Nije sporno da je ponuđač PD „GALVANORM“ d.o.o. Konjic u ponudi dostavio izvod iz sudskog registra, međutim navedeni ponuđač se nije u registru nadležnog registarskog suda registrovao za obavljanje djelatnosti koja je predmet nabavke u ovom postupku. Štoviše, ponuđač PD „GALVANORM“ d.o.o. Konjic uopšte nije registrovan za obavljanje radova, a jasno je da je predmet ove nabavke izvođenje radova.

Na temelju prednje navedenog Komisija I je zaključila da je u ponudi dostavljen dokaz na osnovu kojeg se ne može potvrditi da ponuđač PD „GALVANORM“ d.o.o. Konjic zadovoljava uslov iz tačke 7.2.1. tenderske dokumentacije koji se odnosi na sposobnost obavljanja poslovne djelatnosti.

Članom 44. Zakona o javnim nabavkama propisani su način provjere kvalifikacije ponuđača, minimum kvalifikacionih uslova koje ugovorni organ odredi za ponuđače, kao i dokumenti koji su potrebni za dokazivanje, sve u skladu i u razmjeri predmetu javne nabavke.

Članom 46. Zakona o javnim nabavkama data je mogućnost ugovornim organima da od ponuđača zahtijeva da dokaže da je registrovan da obavlja profesionalnu djelatnost, koja je u vezi sa predmetom nabavke.

Nadalje, u članu 2. stav (1) tačka c) Zakona o javnim nabavkama definisano je da je privredni subjekt pravno ili fizičko lice ili grupa takvih lica, koji na tržištu nude robe, usluge i/ili radove, a registrovani su za obavljanje predmetne djelatnosti te mogu učestvovati u postupku javne nabavke kao ponuđač; kandidat ili grupa kandidata/ponuđača (dva ili više kandidata/ponuđača) koji su dostavili zajednički zahtjev za učešće ili zajedničku ponudu.

Na osnovu činjenica i podataka iz dostavljenog Aktuelnog izvoda iz sudskog registra postoji opravdana sumnja da je ponuđač kvalifikovan da izvrši radove koji su predmet nabavke.

Naime, pri provođenju postupaka javne nabavke jedna od bitnih faza jeste provjera kvalifikacije ponuđača, kojom ugovorni organ provjerava i utvrđuje je li ponuđač pouzdan i kvalifikovan izvršiti ugovor u skladu s uslovima utvrđenim u tenderskoj dokumentaciji.

Zbog toga ugovorni organ u tenderskoj dokumentaciji priprema zahtjeve/dokaze u cilju provjere kvalifikovanosti ponuđača, tako da utvrdi minimum zahtjeva/dokaza za kvalifikaciju.

Izmijenjenom tačkom I) al. 2), u članu 2. Zakona o javnim nabavkama („Službeni glasnik BiH“, broj 39/14 i 59/22), propisano je da je neprihvatljiva ponuda čija cijena prelazi planirana, odnosno obezbijedena novčana sredstva ugovornog organa za nabavku ili ponuda ponuđača koji ne ispunjava kriterijume za kvalifikaciju privrednog subjekta.

Naime, u skladu sa članom 2. stav (1) tačka I) Zakona o javnim nabavkama („Službeni glasnik BiH“, broj 39/14 i 59/22), prihvatljivom ponudom se smatra ponuda koja u potpunosti ispunjava uslove koje

je u tenderskoj dokumentaciji postavio ugovorni organ, kako u pogledu kvalificiranosti, tako i u pogledu ispunjavanja zahtjeva iz tehničke specifikacije, kao sastavnog dijela tenderske dokumentacije.

Shodno naprijed navedenom zakonskom odredbom, a na osnovu ocjene Komisije I, ponuda ponuđača PD „GALVANORM“ d.o.o. Konjic je kao neprihvatljiva isključena iz daljeg postupka.

Komisija I je pregledom ponude ponuđača „MAGIČNI KAMEN“ d.o.o. Sarajevo - MAGIC STONE LTD Sarajevo ustanovila da dostavljena ponuda ispunjava formalno-pravne, ekonomske i tehničke uslove, odnosno da ispunjava zahtjeve ugovornog organa iz tenderske dokumentacije za predmetnu nabavku. Nadalje, Komisija I je konstatovala da je ponuda prihvatljiva u smislu definicije prihvatljive ponude iz Zakona o javnim nabavkama.

Detaljnou računskom provjerom ispravnosti ponude navedenog ponuđača, Komisija I je utvrdila da je podnesena ponuda računski ispravna te da je ispravno obračunata ukupna cijena ponude sa PDV-om.

Tenderskom dokumentacijom je predviđeno provođenje e-aukcije. S obzirom na to da je primljena samo jedna prihvatljiva ponuda, e-Aukcija se nije zakazivala, shodno članu 4. stav (2) Pravilnika o uslovima i načinu korištenja e-Aukcije („Službeni glasnik BiH“, broj 80/23).

Rangiranje ponuda na osnovu kriterija „najniža cijena“, kako slijedi:

Ponuđač	Ukupna cijena ponude (KM) bez PDV-a	Ukupna cijena ponude (KM) sa PDV-om
„MAGIČNI KAMEN“ d.o.o. Sarajevo - MAGIC STONE LTD Sarajevo	16.900,00	19.773,00

Cijeneći sve prethodno navedeno, Komisija I je u daljem radu donijela jednoglasnu odluku da se Općinskom načelniku dostavi

### PREPORUKA O PRIHVATANJU PONUDE

Ponuđača „MAGIČNI KAMEN“ d.o.o. Sarajevo - MAGIC STONE LTD Sarajevo, ulica Panjina kula broj 65, 71000 Sarajevo, broj: 051-27S-12/23 od 27.12.2023. godine, za izvođenje radova na uklanjanju grafita na području Općine Centar Sarajevo za LOT 1 - Izvođenje radova na uklanjanju grafita sa fasada na objektima kolektivnog stanovanja, putem konkurentskog zahtjeva za dostavu ponuda, uz primjenu e-aukcije, sa cijenom ponude u ukupnom iznosu od **16.900,00 KM bez PDV-a, odnosno 19.773,00 KM sa PDV-om.**

Općinski načelnik u postupku evaluacije nije našao razloge niti nepravilnosti u radu Komisije I koji bi eventualno bili osnov za neprihvatanje preporuke Komisije I, te je odlučeno kao u dispozitivu ove Odluke.

#### Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 5 (pet) dana od dana prijema ove Odluke shodno članu 101. stav (5) tačka c) Zakona o javnim nabavkama.

Naknada za pokretanje žalbenog postupka iznosi 500,00 KM u skladu sa članom 108. stav (1) tačka a) Zakona o javnim nabavkama.

Žalba se podnosi u dovoljnom broju primjeraka, a koji ne mogu biti manji od tri.

Prilog: Zapisnik o pregledu i ocjeni ponuda broj: 10/E-11-11069/23-1 od 29.12.2023. godine



#### DOSTAVITI:

1. Ponuđaču: „MAGIČNI KAMEN“ d.o.o. Sarajevo - MAGIC STONE LTD Sarajevo ulica Panjina kula broj 65, 71000 Sarajevo
2. Ponuđaču: PD „GALVANORM“ d.o.o. Konjic ulica Donje polje broj 42, 88400 Konjic
3. Službi za stambene i komunalne poslove
4. Kabinetu općinskog načelnika - Odsjek za javne nabavke
5. Službi za finansije
6. U spis

